


TRUTH
CENTERED
TRANSFORMATION

MODULE 2



UFALME WA MUNGU
MWONGOZO WA
WANAFUNZI

2.1 Hadithi za jamii

Mwanamume fulani India alitembelea kijiji alipowahi kufanya kazi. Aliwauliza akina mama kijijini : je, ikiwa Yesu angekuwa kiongozi wao kijiji chao kingefananaje?. Umrai, mama mmoja jasiri alieleza kijiji chenye umoja na mshikamano. Alijua mgawaniko kwenye kijiji chake haukuleta sifa kwa Yesu. Kila familia imejitegemea. Kutokana na jibu lake kikundi cha akina mama kijijini wakaunda kamati ya afya na kikundi cha kusaidiana. Wanawake ndani ya kikundi walikuwa watu kumi na nne wakaanza kukutana mara kwa mara wakiwa na moyo wa kushirikiana. Wanachama wakachanga hela kidogo kidogo na kuiweka kwenye akaunti ya pamoja na wakaanza kutatua matatizo ya jamii pamoja. Umrai alikuwa mwenyekiti wa kamati akatumiakipaji chake cha uongozi kupanga na kuhamasisha kijiji kufanya yale ambayo Yesu angalifanya angalikuwa kiongozi.

Akina mama wanachama wa kikundi cha Biblia Uganda wameamua kuhudumia kijiji kama Yesu angekuwa anawahudumia. Wamepanga mradi wao wa kwanza kwa umakini mkubwa. Mradi ulikuwa kuondoa taka kwenye eneo la baa. Wanawake wawili waliingia baa bila kuogopa. (Kwa kawaida wamama wanaoingia baa ni Malaya tu) Wakaomba ruhusa kuondoa taka. Wenye baa wakacheka lakini wakakubali. Wanawake wakahamasisha jamii na watu wengi wakajitolea. Wakachimba mashimo mawili: mmoja kwa ajili ya taka zinazooza na jingine kwa ajili ya taka zisizooza. Wenye baa walipowaona wakaanza kuwasaidia Wakaendelea kuweka eneo lao safi na jamii ikafurahi.

Baada ya kutiwa moyo wanawake wakaamua kutengeneza meko tisa zisizotumia kuni/mkaa nyingi kwa ajili ya familia kijijini kwao na pia kutoa vyombo vya kutunzia maji kwa wanaohitaji. Baada ya hapo kikundi cha kujifunzia biblia wakaanzisha mradi mkubwa zaidi: soko la jamii. Kwa kawaida wanawake kijijini hutembea masaa mengi kupeleka mboga na bidhaa kwenye masoko ya mbali. Soko lililo karibu lingewawezesha kupata mapato wakiwa karibu na familia zao, jamii na bustani zao. Wakapewa ardhi lakini ilikuwa na mtereremko mkali kwa hiyo hakufai kujengea soko. Wanawake wa kikundi cha biblia wakaomba na wafanyakazi wa barabara kuu waliotengeneza barabara karibu na kijiji wakajitolea kuja wakasawazisha eneo la soko bila malipo. Kwa msaada wa Mungu kikundi kidogo cha wanawake wa kikristo wakagundua na kukusanya rasilimali, wakaokoa pesa wakatatua matatizo na wakajenga soko la jamii. Maisha yao la kiroho limekua huku wakiwahudumia wengine kwa niaba ya Yesu.

Jadili

- Nini kimetokea kwenye kila simulizi?
- Kutokana na watu kwenye simulizi hilo jamii zimeanza kufanana na jinsi maisha yalivyo ikiwa kila mmoja anaishi sawasawa na mapenzi ya Yesu ? Kwa nini?
- Taja baadhi ya mambo yaliyofanywa na watu kwenye simulizi hilo?
- Ungewezaje kufanya kitu kama hicho kwenye jamii yako?

3.1 Karatasi ya kufanyia kazi maadili ya ufalme

<i>maadili</i>	<i>mwaandiko</i>	<i>Mila zetu/ desturi</i>	<i>Ufalme wa Mungu</i>
<i>Tuwe na tabia gani kama mume</i>	Wakolosai 3:21 1 Peter 3:7 Waefeso 5:25, 28, 33		
<i>Tuwe na tabia gani kama mke</i>	Kitabu cha Mwanzo 2:18 Waefeso 5:22-24, 33		
<i>Namna ya kukaa na watoto</i>	Zaburi 127:3 Waefeso 6:4		
<i>Namna ya kukaa na watu</i>	Matayo 22:36-40		
<i>Namna ya kuishi na maadui</i>	Luka 6:27-31		
<i>Mtazamo wetu juu ya kazi</i>	Wakolosai 3:22-4:1 Waefeso 6:7-8		
<i>Mtazamo wetu juu ya mazingira</i>	Zaburi 24:1 Mwanzo 1:28-30 Mwanzo 2:15		
<i>Kitu chenye muhimu zaidi</i>	Matayo 6:25-34 Matayo 22:36-40		
<i>Mtazamo wetu juu ya kifo na kufa</i>	Johanna 11:25-26 Wahebrania 2:14-15 Ufunuo 1:17-18		
<i>Mtazama wetu juu ya kuteseka</i>	Luka 6:22-23 2 Wakorinto 1:8-11		

4.1 Mwongozo wa majadiliano kwenye vikundi vidogo

mtazamo wa kibiblia juu ya kazi

- 1 Watesaloniki 4:11-12
- 1 Timoteo 5:8
- Waefeso 4:28
- 1 Wakorinto 10:31

Mungu anajali tunavyofanya kazi zetu

Angalia mistari ifuatayo. Mistari hii inatufundisha nini kuhusu kazi? kwenye vikundi vidogo mtoe mukhtasari ya sentensi moja

- 2 Watesaloniki 3:10-12
- Methali 10:4
- Methali 19:15
- Methali 21:25

Unadhani mistari hii inatufundisha nini kuhusu namna tunavyopaswa kufanya kazi?

- 1 Wakorinto 10:31
- Wakolosai 3:23

5.1 Umuhimu na nguvu ya familia

Familia mmoja ya kikristo inaleta tofauti

Miaka minne iliyopita mwinjilisti alipohamia hapa jamii yote walikuwa wahindu, Kijiji kiko Himalaya 1,000 ft. juu kutoka usawa wa bahari. Kilometa chache kutoka kijijini kulikuwa na shamba la chai. Huku ndiko wanakijiji wengi walipofanya kazi, Hata hivyo mishahara ilikuwa midogo na kwa hiyo watu walihangaika hata kama walikuwa na kazi.

Kijijini kulikuwa na nyumba ishirini na tano zilizojengwa kwa mbao na kuezekwa kwa mabati. Hakutokuwa na vyoo. Kwa sababu kulikikuwa juu sana kulikuwa na baridi kali lakini watoto walikuwa hawana viatu pia walikuwa na utapia mlo.

Kila nyumba imejengwa kwenye eneo dogo la ardhi. Kuikuwa na kibanda iliyojaa moshi karibu na kila nyumba humu wamepika kwa kutumia mafigo. Kulikuwa na kuku wachache waliokimbia ndani na nje ya nyumba. Nyua zimekuwa chafu.

Shule ilikuwa kwenye umbali wa kilometa mbili ilikuwa mbali sana kwa watoto kutembea kila siku na pia walitakiwa kufanya kazi karibu na nyumbani. Kwa hiyo watoto wengi hawakuenda shuleni Watu wazima wengi hawakuweza kusoma na kuandika kwa hiyo walinyanyaswa na wanavijiji kutoka vijiji vingine waliojua kusoma na kuandika.

Kulikuwa na bustani chache kwa sababu maji yalipatikana kwenye umbali wa km 2 kwenye bwawa. Ilikuwa ngumu kupata maji kwa ajili ya kunywa na kuoga bila kufikiria kuleta maji kwa ajili ya kumwagilia bustani. Zamani kulikuwa na bomba kutoka kwenye bwawa lakini iliharibika na wanavijiji hawajaitengeneza bado.

Mvua ilikuwa ya shida isipokuwa kwenye msimu wa kulima mpunga. Wakati wa kulima mpunga hapakuwa na nafasi ya kulima mbogamboga. Wakiwa na bahati wanapata mpunga wa kutosha hadi msimu ujao.

Watu walikuwa wahindu waliabudu miungu mbalimbali. Kulikuwa na miungu mingi ambayo inabidi kuwaheshimu na kuwaabudu. Kijiji kilikuwa na miungu midogo mingi. Kila wanapokula wanakijiji hudondosha chakula kidogo kwa ajili ya mizimu.

Watu walikuwa wamekata tama. Tumaini lao ilikuwa kuzaliwa upya kwenye mazingira bora. Ila wangewakazirisha miungu wangeweza pia kuzaliwa upya wakiwa panya au mbwa. Walikuwa wamekata tamaa. Hawakuwa na namna ya kuboresha maisha yao.

Lepcha alikuwa mwinjilisti aliyehamia maeneo hayo. Alisoma kozi ya mwezi mmoja kuhusu kuwasaidia watu kuboresha afya zao. Baada ya kumaliza masomo hayo alihamia kijijini pamoja na familia yake ili wakae pale na kuwasaidia majirani kwa kuwashirikisha walichojifunza. Walikuwa na ua msafi na kibanda cha kupikia chenye jiko lililojengwa kuwa juu zaidi ili kurahisisha kupika. Pia jiko hilolimetumia kuni chache. Walikuwa na kibanda kidogo cha kuku. Walipanda bustani kuboresha lishe ya watoto. Walikuwa na choo cha nje na watoto wao hawakuwa na minyoo wala hawakuharisha mara nyingi kama watoto wengine kijijini.

Lepcha alitengeneza beseni ya kukusanya mvua kutoka kwenye mabati wakati ilinyesha. Wengine waliiga mfano wake na wapakata maji pia.

Waliwafanya watu washirikiane kuweka bomba kutoka kwenye bwawa hadi kijijini na sasa wanavijiji wana maji ya kutosha hata kwa ajili ya kumwagilia bustani zao mpya. Watu wengi waliiga banda la kuku na wakajenga vyoo.

Akina Lepcha walipokuja waliwafundisha watu wazima na watoto kusoma na kuandika. Walianza kuwafundisha watoto na vijana kusoma. Leo kijiji kina shule hadi darasa la nne.

Sasa kuna kanisa dogo kwa sababu familia ishirini na tatu kati ya ishirini na tano wana mahusiano na Kristo. Yote hayo kwa sababu familia mmoja ilitangaza Kristo kupitia maneno yao na vitendo vyao.

Watu wanajivunia mafanikio yao na wameona wanaweza kuishi maisha yenye afya kwa sababu familia mmoja iliwajali wakaja kuwashirikisha maisha yao.

Simulizi hilo linajirudiarudia kwenye vijiji kaskazini ya India na Nepal mashariki. Leo mambo hayo yanajirudia kwenye vijiji 120 kwenye eneo hilo. Maisha ya watu yanabadilika lakini wanabadilika pia kiroho vikundi 107 vya maombi vilianzishwa. Na 12 vilivyo kubwa zaidi vina wanachama 200.

Wachungaji wa India walianzisha dhehebu yao iitwayo kanisa la Agape Church makanisa hayo mapya mengi zaidi yatajiunga na Kanisa hilo. Familia moja ya wakristo walipopata maono kubadili jamii yao wakitafuta mapenzi ya Mungu na kufuata maono waliyoyapewa na Mungu mambo makubwa yaliweza kutendeka. Baadhi ya mifumo inayotegemea familia imebadilishwa kuwa mifumo inayotegemea makanisa kwa kuwafundisha watu muhimu kanisani. Tunaomba huku mbele tuingie kwenye mifumo ya jamii.

- Kulikuwa na mabadiliko gani yaliyoletwa na Lepcha kwenye jamii? Pitia simulizi upya na utengeneze orodha yafuatayo: Mabadiliko ya kijamii, ya kiroho, ya kiakili, ya kimwili.
- Aliwezaje kuleta mabadiliko hayo? Alianza na nani? Familia yake
- Jamii imebadilikaje kutokana na Lepcha?
- Unaweza kuwa kama Lepcha kwenye jamii yako?

5.2 NAMNA YA KUWA MJENGAJI WA UFALME

1. ANZA NA WEWE MWENYEWE

Hatua ya kwanza kuona ufame wa Mungu unajengeka kwenye maisha yako, familia yako kanisa lako jamii yako jamii yako na dunia ni kujitasmuni. Uko tayari kutumiwa na Mungu? Uko tayari kumtii Mungu katika kila eneo la maisha yako? Wiki hii ungeweza kuboresha nini?

2. Ufundishe na kuwatia moyo familia yako

Wakati unapojenga ufalme wa Mungu kwenye kila eneo la maisha yako inabidi uitie moyo familia yako kufanya vivyo hivyo. Tunasaoma tuwafundishe familia zetu muda wote. (Kumbu. 6:7) bila kujali tunachokifanya. Jitahidi kufundisha familia yako kupitia matendo yako, kupitia maongezi yako, kwa kutafuta njia kuwasaidia wawasaidie wengine pia.

Kumbuka ulichoamua kufanya kwenye kipindi kwenye kila eneo kati ya maeneo manne ili familia yako ikue.

3. mwombe Mungu akutumie kuwabadilisha wengine

Anza kuomba na kumwomba Mungu kukusaidia kuwabadilisha wengine. Tafuta fursa. Unapowaona watu wenye mahitaji umwombe Mungu akuoneshe namna ya kuwasaidia watu hao.

Mungu yuko tayari kutusaidia kujenga ufalme wake. Atatuonesha kwa wakati muafaka njia sahihi kusaidia.

4. Uwasaidie wengine

Ujiingize kwenye tendo la upendo na utafute namna nyingine ya kusaidia. Ikiwa unajisikia huwezi kufanya mambo mengi bado utumie vipaji vyote ulivyovipewa na Mungu kuwahudumia wengine Unapohudumia utakua na utajikuta unaweza kufanya zaidi na zaidi.

8.1 Vitendo vya upendo Hatua za kupanga

Hatua ya 1: maombi

Kwanza ni kuomba. Uchukue nafasi sasa kuomba. Mwambie Mungu akuoneshe ufanye nini kama kitendo chako cha upendo

Hatua ya 2: kuchagua kitendo

Kama kikundi mwamue mnaweza kufanyaje kuonesha upendo wa Mungu. Tazama baadhi ya mawazo uliyoyataja kwenye kipindi 1 halafu mkubaliane Mungu anawaongoza kufanyaje.

Mkishachagua jambo hakikisheni mnaweza kukifanya ndani ya siku moja au mbili. Ikiwa haiwezekani mnaweza kukifanya ndani ya hatua moja au mbili?

Hatua ya 3: amua kuhusu mahitaji

Hatua inayofuata ni kuanza kupanga. Kwanza tuamue kuna mahitaji yapi – watu gani wanahitajika, vifaa vipi, ruhusa zipi nk. Kukusaidia utumie karatasi ya kazi kwenye daftari lako la mwanafunzi. Ukishajaza safu ya kwanza na mahitaji unaamua nani atakayehusika na kazi iwe imekamilika lini.

hatua ya 4: andika mpango

Ukishapanga mambo yote uandike mpangilio kutokana na tarehe ili ujue nani anapaswa kufanya nini wakati gani. Uchague kiongozi wa mradi. Kazi yake ni kuwasiliana na wahusika siku mmoja kabla ya tarehe husika kujua kama wameshamaliza, kama kuna matatizo na ikiwa wanahitaji msaada.

hatua ya 5: omba

Baada ya kumaliza kuandika mpango uombe tena. Mwombe Mungu akusaidie kukamilisha kitendo. na kuzidisha matokeo ili jina lake litukuzwe. Kwa wiki mbili zijazo unapoandaa kitendo chako cha upendo umwombe Mungu akusaidie na kitendo chako.

hatua ya 6: tenda kitendo cha upendo

Hatua inayofuata ni kutekeleza kitendo cha upendo ulichokipanga. Anza siku kwa maombi na umkabizi Mungu jitihada zako. Kumbuka unafanya hivyo kuonesha upendo wa Mungu kwa jamii yako. Uwe na mtazamo unaoendana na lengo hilo.

hatua ya 7: tasmini na utoe taarifa

Hatua ya mwisho ni kutoa taarifa na kutasmini. Kwa nini tunatasmini? Kwa sababu inatusaidia kujifunza. Tunafikiria kilichoenda vizuri na wapi tunahitaji kuboresha safari ijayo. Si lazima kutumia muda mrefu utumie muda mfupi tu kujadili maswali yafuatayo:

- nini kimeenda vizuri?
- Kitu gani hakijaenda vizuri?
- Safari ijayo unaweza kuboresha nini?
- Matokeo yalikuwa kama ulivyotegemea ikiwa hamna kwa nini?
- Mungu alitukuzwa?

Mwendeshaji ana fomu ya kutoa taarifa. Kwa nini tunatoa taarifa? Kwenye Mariko 6:30 tunaona kwamba wanafunzi walitoa taarifa ya mambo yote waliyoyafanya. Tunatoa taarifa kama shukrani kwa waliotufundisha na kutuandalia vifaa. Kutoa taarifa kunakupa nafasi kueleza ulichokifanya na kutoa ushuhuda jinsi Mungu alivyotumia jitihada zako. Pia inawasaidia waendeshaji kugundua matatizo na kukuhudumia vizuri zaidi huko mbeleni.